



Broj: 0101-3336-7-LOT 3./19
Sarajevo, 14. 01. 2019. godine

Na osnovu člana 69. stav (2) tačka a), člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe: LOT 3.- Standalone server, na preporuku Komisije za provođenje postupka javne nabavke broj: 0101-3336-6-LOT 3./19 od 10. 01. 2019. godine, rektor Univerziteta u Sarajevu je d o n i o

ODLUKU
o poništenju postupka javne nabavke

Član 1.

Prihvata se preporuka Komisije za provođenje postupka javne nabavke broj: 0101-3336-6-LOT 3./19 od 10. 01. 2019. godine i poništava postupak javne nabavke robe: LOT 3.- Standalone server, iz razloga što u ostavljenom roku za dostavljanje ponuda, nije dostavljena nijedna ponuda.

Član 2.

Ova Odluka će biti objavljena na web stranici Univerziteta u Sarajevu www.unsa.ba, u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka javne nabavke broj: 0101-3336-1/18 od 14. 12. 2018. godine, Univerzitet u Sarajevu je pokrenuo otvoreni postupak za javnu nabavku robe:
Uređaj za skladištenje podataka-SAN uređaj
Uređaj za skladištenje podataka-NAS uređaj
Standalone server.

Postupak je podijeljen u 3 (tri) LOT-a:
LOT 1.-Uređaj za skladištenje podataka-SAN uređaj
LOT 2.-Uređaj za skladištenje podataka-NAS uređaj
LOT 3.-Standalone server.

Za provođenje postupka predmetne javne nabavke, Odlukom broj: 0101-3336-2/18 od 14. 12. 2018. godine, imenovana je Komisija za provođenje predmetnog postupka javne nabavke.

Objavještenje o nabavci broj: 999-1-1-176-3-64/18 objavljeno je na Portalu javnih nabavki dana 17. 12. 2018. godine.

Istog dana, na Portalu javnih nabavki objavljena je i Tenderska dokumentacija broj: 0101-3336-3/18.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 07. 01. 2019. godine u 10:02 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: CSC d.o.o. Tuzlanska bb, Sarajevo; EKAPIJA d.o.o. Bulevar Mihajla Pupina 10a, Novi Beograd, Srbija, Bijeljina; INFONET d.o.o. Mehmedalije Maka Dizdara 26, Tuzla; ASBIS d.o.o. Džemala Bijedića 162,

Sarajevo; SYSTECH d.o.o. Franca Prešerna 22, Sarajevo; VERSO d.o.o. Emerika Bluma 23, Sarajevo; BBS EUROPE Spasovdanska 31Đ/20, Istočno Sarajevo; TELNET d.o.o. Stupska bb, Ilidža; IMTEC d.o.o. Bosanski put bb, Ilijaš; ASPO RAIL d.o.o. Alipašina 53, Sarajevo; QSS d.o.o. Dejjina Bikića bb, Sarajevo; HERTRONIC d.o.o. Blage Zadre 20, Grude; PING d.o.o. Jukićeva 36, Sarajevo; INFORMATIKA a.d. Jevrejska 32, Beograd; ROBERT'S PLUS d.o.o. Marka Marulića 2/V, Sarajevo; MIBO KOMUNIKACIJE d.o.o. Tvornička 3, Ilidža; EMADO d.o.o. Azize Šaćirbegović 112, Sarajevo; DISTI d.o.o. Safeta Zajke 2, Sarajevo; COMTRADE DISTRIBUTION d.o.o. Džemala Bijedića bb, Sarajevo.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 07. 01. 2019. godine u 10:03 sati, vidljivo je da je, u periodu koji je ostavljen za dostavljanje pitanja i odgovora (do 02. 01. 2019. godine), od strane potencijalnih ponuđača bilo postavljeno pitanje za pojašnjenje Tenderske dokumentacije broj: 0101-3336-3/18 od 17. 12. 2018. godine. Ugovorni organ je u ostavljenom roku dostavio odgovore na postavljena pitanja. U Zapisniku o rezultatu provedenog postupka javne nabavke broj: 0101-3336-6-LOT 3./19 od 10. 01. 2019. godine, koji je sastavni dio ove Odluke, navedena su postavljena pitanja i odgovori.

Na tendersku dokumentaciju nije bilo žalbe od strane potencijalnih ponuđača.

Iz Zapisnika Komisije za provođenje postupka javne nabavke je vidljivo da do 07. 01. 2019. godine do 10:00 sati, koji je ostavljen kao rok za dostavljanje ponuda, za javnu nabavku robe: LOT 3.- Standalone server nije dostavljena nijedna ponuda.

Na osnovu člana 69. stav (2) tačka a) Zakona o javnim nabavkama BiH, Komisija za provođenje postupka javne nabavke je dala preporuku rektoru Univerziteta u Sarajevu da donese odluku o poništenju postupka javne nabavke robe: LOT 3.- Standalone server, iz razloga što u ostavljenom roku za dostavljanje ponuda, nije dostavljena nijedna ponuda.

Iz gore navedenih razloga prihvaćena je preporuka Komisije za javnu nabavku, te je primjenom člana 69. stav (2) tačka a) Zakona o javnim nabavkama BiH odlučeno kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjeka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



Dostaviti:

1. Prorektor za finansije
2. Generalni sekretar
3. Služba za računovodstvo i finansije
4. Služba za javne nabavke
5. web stranica UNSA
6. a/a

Prilog: Zapisnik o rezultatu provedenog postupka javne nabavke

Univerzitet u Sarajevu - Obala Kulina bana 7 - 71 000 Sarajevo - Bosna i Hercegovina

Telefon: ++387(33)226-378; ++387(33)668-250; fax: ++387(33)226-379

<http://www.unsa.ba>